

U skladu sa članom 17. Zakona o igrama na sreću ("Službene novine Federacije BiH", broj 48/15, 60/15), članom 7. Pravilnika o sadržaju pravila, uslovima i načinu priređivanja nagradnih igara ("Službene novine Federacije BiH", broj: 30/16, 63/19, 92/20), te na osnovu člana 55. Statuta društva „Mercator BH" d.o.o. Sarajevo, Uprava Društva donosi:

PRAVILA NAGRADNE IGRE
„Mercator i Moji brendovi te nagrađuju! MOJE BRENDOVE U KORPU UBACI I ELEKTRIČNIM ROMOBILOM ILI BICIKLOM SE KUĆI ODBACI“

1. PRIREĐIVAČ

Priređivač nagradne igre je Mercator BH d.o.o. Sarajevo, sa sjedištem u Blažuj bb, 71210 Ilidža, poreski broj: 200841110009, identifikacioni broj: 4200841110009, registarski broj: 65-01-0542-10 (stari broj I-24260).

2. TRAJANJE I SVRHA PRIREĐIVANJA NAGRADNE IGRE

- 1) Nagradna igra traje u periodu 17.06.-11.08.2021.g., a priređuje se u svrhu nagrađivanja kupaca za lojalnost i promocije domaćih i regionalnih brendova i proizvoda u sklopu kampanje „MOJI BRENDovi – NAŠE VRIJEDNOSTI“.
- 2) Priređivač će nakon odobrenja Federalnog ministarstva finansija, a prije početka nagradne igre, objaviti pravila nagradne igre najmanje u jednim dnevnim novinama dostupnim na teritoriji Federacije Bosne i Hercegovine, uz obavezno navođenje broja i datuma odobrenja.
- 3) Za vrijeme trajanja nagradne igre, pravila su dostupna na www.mercator.ba i u prodavnicama Priređivača, tokom radnog vremena, svakog radnog dana.

3. NAZIV NAGRADNE IGRE

Naziv nagradne igre je „Mercator i Moji brendovi te nagrađuju! MOJE BRENDOVE U KORPU UBACI I ELEKTRIČNIM ROMOBILOM ILI BICIKLOM SE KUĆI ODBACI“.

4. NAČIN IZVLAČENJA DOBITNIKA NAGRADA

- 1) Izvlačenje dobitnika nagrada će se održati u tržnom centru Priređivača u ulici Ložionička br. 16., Sarajevo, 17.08.2021.g. u 12 sati.
- 2) Nagradno izvlačenje će biti javno i nadgledano od strane tročlane komisije, koja će o tome sačiniti odgovarajući zapisnik.

5. FOND NAGRADA

Nagradni fond sastoji se od 13 nagrada, čija ukupna vrijednost iznosi 22.562,09 KM sa uračunatim PDV-om.

6. POJEDINAČNA TRŽIŠNA VRIJEDNOST NAGRADA

Pojedinačna tržišna vrijednost nagrada iznosi:

	NAGRADA	Pojedinačna vrijednost nagrade sa PDV (KM)	Količina (kom)	UKUPNA VRIJEDNOST sa PDV (KM)
1.	QUEEN CITYBIKE 28" ALLUM. BATT. 10AH INT. GREY	2.545,50	3	7.636,50

2.	QUEEN CITYBIKE 28" ALLUM. BATT. 10AH INT. WHITE	2.545,50	3	7.636,50
3.	VELOCIPTOR ES110OR OFF ROAD 10" ELECT.SCOOT. BLACK	1.041,30	7	7.289,10
	UKUPNO:		13	22.562,09

7. USLOVI UČESTVOVANJA U NAGRADNOJ IGRI

- 1) Pravo učešća u nagradnoj igri imaju kupci sa prijavljenim prebivalištem u BiH, koji izvrše kupovinu u poslovnim jedinicama Priređivača na području Federacije Bosne i Hercegovine u iznosu od najmanje 30,00 KM i koji su prilikom te kupovine kupili najmanje jedan artikal koji je na polici obilježen oznakom „Moji brendovi“, te na odnosnom računu imaju dokaz o kupovini tako označenog artikla.
- 2) Kupci pri svakoj kupovini koja ispunjava uslove iz prethodnog stava imaju pravo na jedan kupon za svakih 30 KM na osnovu izdatog računa (tj. 30,00-59,99 KM = 1 kupon; 60,00-89,99 KM = 2 kupona; 90,00-119,99 KM = 3 kupona itd).
- 3) Svaki pojedinačni račun na osnovu kojeg kupac ostvaruje pravo na kupone za učešće u nagradnoj igri, neovisno o njegovom iznosu, mora sadržavati najmanje jedan artikal koji je na polici bio obilježen oznakom „Moji brendovi“.
- 4) Učesnici u kupone upisuju svoje lične podatke (ime i prezime) i kontaktne podatke (broj telefona i/ili e-mail adresu), broj računa kojim su ostvarili kupovinu, te ispravno i čitko popunjen kupon na prodajnom mjestu ubacuju u kutiju predviđenu za tu namjenu.
- 5) Učesnici su dužni sačuvati račune za odnosne kupovine, te ih predočiti Priređivaču ukoliko njihov kupon bude izvučen u nagradnom izvlačenju.
- 6) Svaki učesnik u nagradnoj igri može učestvovati s neograničenim brojem kupona, s tim da jedan učesnik može dobiti samo jednu nagradu u toku trajanja ove nagradne igre, bez obzira na broj realizovanih kupovina. Dobitnik nagrade koji je dva ili više puta izvučen za nagrade različite novčane vrijednosti u ovoj nagradnoj igri, ima pravo na nagradu veće novčane vrijednosti, osim ako dobitnik sam ne prihvati nagradu manje novčane vrijednosti.
- 7) Krivotvoreni, oštećeni ili pogrešno i nepotpuno ispunjeni kuponi nevažeći su i ne daju pravo na učestvovanje u nagradnoj igri.
- 8) Učestvovanjem u nagradnoj igri učesnici će omogućiti Priređivaču prikupljanje, obradu i evidenciju ličnih podataka koji se prenose u skladu sa Zakonom o zaštiti ličnih podataka.
- 9) Prikupljeni lični podaci koriste se za evidenciju Priređivača. Priređivač može koristiti lične podatke samo u svrhe za koje su prikupljeni.
- 10) U skladu sa zakonom, učesnicima su zajamčena prava na pregled, kopiranje, ažuriranje, popravak, blokiranje i brisanje ličnih podataka koji se odnose na njih.
- 11) Učestvovanjem u nagradnoj igri učesnici prihvataju ova Pravila.

8. NAČIN OBJAVLJIVANJA DOBITNIKA NAGRADA

- 1) Rezultati nagradne igre i imena dobitnika nagrada biće objavljeni na web stranici www.mercator.ba, u roku od 7 dana od nagradnog izvlačenja.
- 2) Učestvovanjem u ovoj nagradnoj igri učesnici su saglasni da se, ako postanu dobitnici neke od nagrada, njihovo ime, adresa i slika mogu od strane Priređivača mogu objaviti i koristiti bez naknade u štampanom, slikovnom, audio i video materijalu.
- 3) Sva dokumentacija koja se odnosi na organizaciju i provođenje nagradne igre, kao i ova Pravila, čuvaju se u prostorijama Priređivača dvije godine. Nakon isteka navedenog roka, Priređivač može uništiti dokumentaciju u skladu s internim aktima.

9. MJESTO I ROK ZA PODIZANJE NAGRADA

- 1) Nagrade se preuzimaju uz predocjenje ličnog dokumenta na kojem su navedeni lični podaci isti kao oni navedeni na izvučenom dobitnom kuponu, te predocjenje računa čiji broj je upisan na izvučenom kuponu.
- 2) Dobitnici svoje nagrade mogu preuzeti od Priređivača u roku od 30 dana od datuma obavještenja. Ukoliko dobitnik ne preuzme nagradu u navedenom roku, Priređivač će postupiti shodno odredbama Pravilnika o sadržaju pravila, uslovima i načinu priređivanja nagradnih igara.
- 3) Ukoliko je dobitnik maloljetnik, nagrada će biti uručena roditelju/staratelju s kojim maloljetnik živi, pri čemu je roditelj/staratelj dužan priložiti validnu dokumentaciju, odnosno dokument kojim dokazuje status roditelja/staratelja.

- 4) Prilikom preuzimanja nagrade dobitnik je obavezan potpisati izjavu o preuzimanju nagrade. Potpisivanjem izjave ili istekom roka za preuzimanje nagrade, prestaju sve obaveze i odgovornosti Priređivača prema dobitniku.
- 5) Ukoliko bude dodatnih specifičnih pojedinosti u vezi sa dodjelom nagrade, odnosno pitanje može biti naknadno dogovoreno između dobitnika i Priređivača.
- 6) Priređivač ne preuzima odgovornost za eventualnu štetu nastalu u vezi sa učešćem u nagradnoj igri odnosno preuzimanjem i korištenjem nagrada.
- 7) Nagrade se ne mogu zamijeniti ili isplatiti u gotovini. Dobitnik nema pravo zahtijevati drugačiju nagradu ili nagradu koja prelazi iznos naveden u ovim Pravilima. U nagradnoj igri ne mogu učestvovati radnici Priređivača, niti članovi njihovih užih porodica odnosno domaćinstva.
- 8) Porez na dohodak od nagradne igre (10%) snosi dobitnik nagrade.

10. NADLEŽNOST SUDA

Svi eventualni sporovi između Priređivača i učesnika odnosno dobitnika rješavaće se sporazumno, a ako se u tome ne uspije, nadležan je Općinski sud u Sarajevu.

11. SASTAV KOMISIJE ZA IZVLAČENJA NAGRADA

Tročlanu komisiju za izvlačenje nagrada će Priređivač imenovati posebnom odlukom.

12. USLOVE POD KOJIM SE NAGRADNA IGRA MOŽE PREKINUTI

Nagradna igra se može prekinuti u slučaju više sile ili u slučaju koji ne zavisi od volje Priređivača, a prekid nagradne igre se objavljuje u istim dnevnim novinama u kojima je nagradna igra objavljena.

Mercator BH d.o.o. Sarajevo

Direktor

Izvršni direktor

Ahmet Koštreba

Haris Omeragić